

Scribitur et legitur, priscorum carmine scitur,
 Per campos, silvas, fluvios properare Camenas,
 Quo pede pervolitent, vel quae sibi carmina dictent,
 Exitus et redditus quarum per maxima cautus
 30 Commonet insulsum, ne fimo polluat aurum,
 Increpat indoctum de coelis scribere versum,
 Arguit invalidum per fortia tendere gressum.
 Territus hisce minis meditor desistere coepitis.
 Rerum gestarum viguit mos tempore patrum,
 35 Nullus ut auderet conscribere quae sibi vellet,
 Ni prius auditor certus foret ille notator,
 Disceret aut visu quid commemorabile scriptu;
 Pagina sic certa valuit sub testibus acta.
 Haec ego dissolvam, raram si pono fabellam,
 40 Confiteor culpam, mendosam profero cartam:
 Sunt tamen utilia quae multa notantur in illa;
 Si recitas totam, panis mercabere tortam.
 Denique non prodest, sed obest, ut saepe probatum est,
 Una re quemcumque suam consumere curam,
 45 Sed varias artes ediscant quique scolares.
 Sit scola discendi, succedat cura docendi,
 Sub specie certi nascetur quaestio scripti.
 Ad quid coepissem? sed talia cur replicassem?
 Ad quod solvendum scribetur quod referendum.
 50 Namque die quadam consueto more sedebam,
 Inspexi quosdam generalem sumere curam,
 Grandia triticeum cumulare per horrea fructum;
 Illos post segetes dilectas visere vites,
 Illos collectis sollertes esse vehendis,
 55 Non solis monachis, qui servant mistica legis,

28 utque sibi B. 29 quorum A. 30 commovet B. 33 Territur AB. 36 ceris foret B. 37 quod comm. scripto B. 40 praefero B. 43 si oli est B. 45 Si varias a. e. quisque B. 38 seu talia cum B.